

Prijedlog

Na osnovu člana 13. Zakona o principima lokalne samouprave u Federaciji BiH („Službene novine Federacije BiH“ br. 49/06 i 51/09) , člana 63 , a u vezi sa članom 60. Zakona o šumama Kantona Sarajevo („Službene novine Kantona Sarajevo“ , broj 5/13) , člana 55. i 104. Statuta Općine Ilijaš – prečišćeni tekst („Službene novine Kantona Sarajevo“ , broj 20/09) , te člana 99. Poslovnika Općinskog vijeća Ilijaš („Službene novine Kantona Sarajevo „ br. 2/10 i 8/15), Općinsko vijeće Ilijaš na ----- sjednici održanoj -----2018. godine donosi :

ODLUKU

o davanju saglasnosti na plan utroška namjenskih sredstava prikupljenih po osnovu naknade za korištenje državnih šuma

Član 1.

Daje se saglasnost na plan utroška namjenskih sredstava u iznosu od 300.000,00 KM prikupljenih od naknada za korištenje državnih šuma na području općine Ilijaš u 2018. godini za izgradnju, rekonstrukciju i održavanje infrastrukturnih objekata po slijedećim prioritetima:

1. Asfaltiranje puta Ravne - Homar	110.000,00 KM
2. Asfaltiranje puta za Kusturu	35.000,00 KM
3. Asfaltiranje puta za Behe	45.000,00 KM
4. Asfaltiranje puta za Meljine	35.000,00 KM
5. Asfaltiranje puteva u MZ Kamenica	75.000,00 KM

Član 2.

Ova Odluka stupa na snagu danom objavljivanja u „Službenim novinama Kantona Sarajevo.“

Broj: 01/1-----/18
Ilijaš, -----2018. god.

P R E D S J E D A V A J U Ć I
OPĆINSKOG VIJEĆA

Mahir Dević, prof, s.r.

OBRAZLOŽENJE PRAVNI OSNOV

Pravni osnov za donošenje ove Odluke sadržan je u članu 63. stav 1 i 3. Zakona o šumama Kantona Sarajevo (Službene novine Kantona Sarajevo , broj 5/13) kojim je propisano da Općinsko vijeće donosi plan o utrošku namjenskih sredstava koja se ne mogu trošiti prije donošenja ovog plana.

Ova sredstva su strogo namjenska sredstva ,a koriste se za izgradnju , rekonstrukciju i održavanje infrastrukture na području općine , kao i finansiranje projekata čiji je cilj očuvanje i unaprjeđenje šumskih ekosistema.